

**Uunga siunnersuut: Nukissiornermi ikummatissat avatangiisinut akitsuutaat pillugu
Inatsisartut inatsisaata allanngortinneqarneranik Inatsisartut inatsisaat
(Aningaasaqarnermut Naalakkersuisoq)**

Akissuteqaat

Aappassaaneerneqarnera

Akilerartarnermut Akitsuusiisarnermullu Ataatsimiititaliaq, allannguutissatut siunnersuummut atatillugu peqqissaartumik sulisimanagera pillugu Naalakkersuisut sinnerlugit qutsavigaara.

Siunnersuutip ataatsimiititaliamit isumaqatigiissumit tapersersorneqarnera nuannaarutigisannik maluginiarpara.

Ataatsimiititaliap eqqaasitsissutigaa siunnersuutip siunertaa pingaarneq tassaammat CO₂-mik aniatitsinermik millisaaqataanissaq, taamaammallu akitsuummik akiliisussaatinneqanngitsut CO₂-mik aniatitsinerminnik millisaaqquneqarnissaannik suliniuteqartoqalernissaa ataatsimiititaliap kajumissaarutigaa. Kikkut tamarmik CO₂-mik aniatitsinerup minnerulernissaanik suliniuteqaqataasariaqarnerat Naalakkersuisut isumaqatigaat.

Taamatut oqaaseqarlunga siunnersuutip saqqummiunneqartup taamatut iluseqarluni aalajangiutivinneqarnissaminut pingajussaaniigassanngortinneqarnissaa Naalakkersuisut sinnerlugit inassutigaa.